

Nuup kiisalu Qasigiannuguit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuiner ingerlatsinermullu killiliussatut atugassarititaasut pillugit Inatsisartut inatsisaat

Atuuffia

§ 1. Nuup kiisalu Qasigiannuguit Aasiaallu pilersorneqarnerannut erngup nukinganik nukissiorfinnik taakkununngalu atatillugu atortunik sanaartornermut, aningaasalersuiner inglerlatsinermullu killiliussatut atugassarititaasut Inatsisartut inatsisaatigut aalajangersarneqarput.

Erngup nukinganik nukissiorfinnik taakkununngalu atatillugu atortunik sanaartorneq allilerinerlu

§ 2. Naalakkersuisut Utoqqarmiut Kangerluarsunnguanni erngup nukinganik iluaquteqarluni nukissiorfik Nuummur pilersuisoq alliniarpaat, aammalu erngup nukinganut nukissiorfinnik nutaamik Qasigiannuganut aamma Aasiannut pilersuisussamik sanaartorniarlutik.

§ 3. Utoqqarmiut Kangerluarsunnguanni erngup nukinganik iluaquteqarluni nukissiorfinnik Nuummur pilersuisumik allilerinerlu ilaapput:

- 1) nukissiorfinnik innaallagialiummik nutaamik pilersitsineq, innaallagissap aqqutaanut maanna nukissiuutit Utoqqarmiut Kangerluarsunnguanni pioreersut aqqutaannut teknikkimut atortulersuutit tamatumani ilaasut ilanngullugit, nukissiorfinnik sillimmatitut inissisimasussamut atortulersuutitut pioreersunut ilanngunneqarsinnaasumut ilanngullugu attavilerneqartussamik, attaveqaasersuutit taakkununngalu ilaasunut atortussamik allanik, aamma illutanik ilaqartussamik, aamma
- 2) sullorsualiorneq maanna nukissiorfiup imeqarfigisaata Kangerluarsunnguup tasiata aamma Isortuarsuup tasiata akornanni.

§ 4. Erngup nukinganik iluaquteqarluni nutaamik Qasigiannuganut aamma Aasiannut pilersuisussamik sanaartornerlu ilaapput:

- 1) nukissiorfissamik nutaamik sanaartorneq kangerluup Kangersunerup eqqaani inissisimasussamik, teknikkimut atortulersuutit tamatumani ilaasut ilanngullugit, sillimmatitut atortulersuutitalimmik, attaveqaasersuutitalimmik atortunillu tamatumunnga ilaasunik allanik ilalimmik aamma illutassamik

ilalimmik,

- 2) sullorsualiorneq tatsit Kuussuup tasiata aamma Qinngap Ilulialeeraata akornanni,
- 3) imm. 1-mi pineqartup erngup nukinganik nukissiorfiliamiit innaallagissap aqutaanik Qasigiannnguanut aamma Aasiannut sanaartorneq.
- 4) Qasigiannnguani aamma Aasianni erngup nukinganik nukissiorfimmit nutaamit tunisisarnissap qulakkeernissaanut attaveqaatit.

*Sanaartukkanik erngup nukinganik iluaquteqarlunilu nukissiorfinnik pioreersunik allilerinernik
atortulersuusersuinernillu aningaasalersuineq*

§ 5. Tamakkiisumik imaluunniit ilaannakuusumik suliniummi ilaasunut sanaartugassanut inatsimmi ilaasunut Naalakkersuisut aningaasaliissutissanik taarsigassarsisinnaapput, akiitsut ataatsimut annerpaaffissaat 3,1 mia. DKK-it iluanni.

Imm. 2. Naalakkersuisut taarsigassarsiatut aningaasaliissutissat imm. 1 naapertorlugu Nukissiorfiit taarsigassarsiteqqissinnaavaat, inatsit naapertorlugu sanaartugassat aningaasalersorneqarnissaannut atatillugu.

Imm. 3. Imm. 2-mi eqqaaneqartut aningaasanik taarsigassarsinerit ingerlanneqarsinnaanngillat atugassarititaasut Naalakkersuisut aningaasanik taarsigassarsinermikkut pissarsiarisimasaannit pitsaanerusunik tunngaveqartillugit.

Imm. 4. Naalakkersuisut erniat, Nunap Karsiata ernianut aningaasartuutaanut matussutissat, aamma Nunap Karsiata taarsigassarsiarititaanut imm. 2-mi taaneqartunut aningaasartuutaanut allanut matussutissanut akiliutissat pillugit maleruagassiorsinnaapput.

§ 6. Naalakkersuisut pisinnaatitaapput sanaartornermut, aningaasalersuinermut aamma ingerlatsinermut iluaqutissartaqarpat namminersortumut imaluunniit namminersortunut arlaqartunut isumaqatigiissuteqarsinnaanermut sanaartornermut, aningaasalersuinermut aamma ingerlatsinermut sanaartukkanut tunngatillugu, aammalu piffissap ersarinnerusumik aalajangersarneqartup iluani erngup nukinganik iluaquteqarluni nukissiorfiit atortulersuutitaat ilanngullugit Naalakkersuisunut tunniunneqarsimanissaannik.

Erngup nukinganik iluaquteqarluni nukissiorfissanut atortulersuutitalinnut tunngatillugu neqeroortitsineq

§ 7. Inatsisartut inatsisaat manna naapertorlugu sanaartugassanik aammalu sanaartorneq pillugu neqeroortitsineq pisinnaavoq nunat tamalaat akornanni neqeroortitsinertigut, aammalu nunat tamalaat akornanni ileqquusut naapertorlugit neqeroortutissanik piniarnertigut.

Imm. 2. Sanaartornermi neqeroortitsisarneq pillugu Inatsisartut inatsisaat imm. 1 naapertorlugu sanaartortitsinernut atortinneqanngilaq.

Nunamut tamarmut pilersaarummi peqqussutit

§ 8. Naalakkersuisut nunamut tamarmut pilersaarusiornikkut tunngavissiami ersarinnerusumik aalajangersaasinnaapput erngup nukinganik iluaquteqarluni taakkualu atortulersuutissaannut, Nuumm

kiisalu Qasigiannguanut aamma Aasiannut pilersuinissamut atugassarititaasussanik ersarinnerusunik, Inatsisartut inatsisaat manna naapertorlugu aalajangersarneqartunik.

Imm. 2. Naalakkersuisut aalajangersinnaapput nunamut tamarmut pilersaarusiornermut tunngavissiaq immikkuualuttortalersukkanik aalajangersagartaqartoq sumiiffiup ilaanut atortinneqartussanik ilaqartoq erngup nukinganik iluaquteqarluni nukissiorfiliornermut Nuummut aamma Qasigiannguanut aamma Aasiannut pilersuinissamut atortinneqartussaq pillugit, Inatsisartut inatsisaat manna naapertorlugu, taannalu kommuninut pilersaarutitulli inatsisitigut atortinneqassasoq.

Pinngitsaaliissummik taarsiissutitalimmik pigisanik aalaakkaasunik arsaarinnittarneq

§ 9. Naalakkersuisut piginnaatinneqarput pinngitsaaliissummik taarsiissutitalimmik pigisanik aalaakkaasunik piginnikkunnaarsitsinikkut illuutiniq aalajangersimasunik tiguisinnaanermut, tamatuma sanaartugassanik erngup nukinganik nukissiorfiliornermut atatillugu pisariaqassusia naapertorlugit, Nuummut aamma Qasigiannguanut Aasiannullu Inatsisartut inatsisaat manna naapertorlugu pilersuinnermut atatillugu. Pigisanik aalaakkaasunik pinngitsaaliissummik arsaarinnittarneq Pigisanik aalaakkaasunik arsaarinnissuteqartarneq pillugu Inatsisartut inatsisaat naapertorlugu pisassaaq.

Naqissusiinikkut pisortanut akitsuut

§ 10. Allagaatit, taarsigassarsinnermut atatillugu allagaatit, naqitanngorlugit suliarineqarneri aamma uppersaasatit il.il., pilersitanut aamma sanaartukkanut Inatsisartut inatsisaannut matumunnga atatillugu suliaasut, pisortanut naqissusiinikkut akitsuusigassaatitaanngillat.

Imm. 2. Naqissusiinikkut akitsuummik akiliisussaataitaannginnermut ilaapputtaaq allagaatit aamma taarsigassarsinnermut atatillugu allagaatit il.il. pigisanik nalilinnik tunniussinerni imm. 1 naapertorlugu suliaasut.

Atuutilerfia

§ 11. Inatsisartut inatsisaat una atortuulerpoq ulloq 1. januaari 2022.

Namminersorlutik Oqartussat, ulloq 1. december 2021

Múte Bourup Egede
Naalakkersuisut Siulittaasuut

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut